

Awor Felipe a **buska i haña** Natanaèl i a bis'é: "Nos a haña **Esun di Kende Moisés** a skirbi den **e Lei** i di **Kende e Profetanan** tambe a skirbi. Ta **Hesus di Nazarèt**, yu di Hosé." (**Juan 1:45**).

I Isaak a papia ku su tata Abraham i a bisa: "Mi tata!" I el a bisa: "At'ami aki, mi yu." I Isaak a bisa: "At'e kandela i e palu aki, ma unda **e Lamchi** pa **e ofrenda kimá** ta?" Anto Abraham a bisa: "Mi yu, **Dios lo proveé** pa **Su** mes **e Lamchi** pa **e ofrenda kimá**." Asina nan dos a sigui kana huntu. (**Génesis 22:7-8**).

Papia ku henter **kongregashon di Israel**, bisando: 'Riba e di dies dia di e luna aki kada un di nan mester kohe un **Lamchi** pa su mes, segun e hendenan di e kasnan di **nan tatanan**, un **Lamchi** pa e hendenan di kada kas. Awor si e hendenan di kas ta muchu poko pa un **Lamchi**, e ora ei e hòmber ku **su bisña** mas serka di su kas mester kohe un **Lamchi** segun e kantidat di persona den kas; konforme loke kada hende por kome, boso mester parti **e Lamchi**. Boso **Lamchi** mester ta un bestia machu **sin defekto**, di un aña; boso por koh'é for di **e karnénan** òf for di **e kabritunan**. I ward'é te na e di dieskuater dia di e mesun luna; e ora ei henter e **asamblea** di e **kongregashon di Israel** mester **mat'é** ora nochi ta sera. Ademas, nan mester kohe un poko di **e Sanger** i pone esaki na e **dos koseinnan** na banda i na **esun ariba di porta** di e kasnan kaminda nan ta kome **e Lamchi**. (**Eksodo 12:3-7**).

E tabata **oprimí** i **E** tabata **afligí**, tòg **E** no a habri **Su boka**; manera un **Lamchi** ku ta wòrdu hibá pa **mata**, i manera un karné ta ketu dilanti di su peladónan, asina **E** no a habri **Su boka**. (**Isaias 53:7**).

"I tur dia bo mester **proveé** un **Lamchi sin defekto**, di un aña, komo un **ofrenda kimá** na **SEÑOR**; tur mainta lo bo **proveé** esaki. Tambe bo mester **proveé un ofrenda** di maishi huntu kuné tur mainta, un di seis parti di un efa i un di tres parti di un hin di **zeta**, pa muha e hariña fini. **E ofrenda** di maishi aki ta un **ordenansa perpetuo** ku mester wòrdu **ofresé kontinuamente** na **SEÑOR**. Asina nan lo **proveé e Lamchi, e ofrenda** di maishi i **e zeta**, komo un **ofrenda kimá kontinuo tur mainta**." (**Ezekiel 46:13-15**).

E Lamchi di Dios skirbi den **e Lei** i **e Profetanan** ta **ofrenda** pa nos.

E Lamchi di Dios skirbi den **e Lei** i **e Profetanan** ta **zeta** pa nos.

E Lamchi di Dios skirbi den **e Lei** i **e Profetanan** ta **proveé** pa nos.

E Lamchi di Dios ku ta kita **piká** di **mundu** (**Juan 1:29**)

2 mart 2018

Sea Bendishoná den e Amor di Yeshua Mesias

Rev. Remsly L Riley